



Broj: 16-12-16-7783-14 /23
I. Sarajevo, 07.11.2023. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 69. stav (2) tačka e) i člana 70. st. (1), (2), (4) i (6) Zakona o javnim nabavkama ("Službeni glasnik BiH", br. 39/14 i 59/22), na preporuku Komisije za nabavke za potrebe Državne agencije za istrage i zaštitu u 2023. godini broj 16-12-16-7783/23 od 06.11.2023. godine, u postupku javne nabavke rezervnih djelova sa uslugom ugradnje, popravke i održavanja službenih vozila Državne agencije za istrage i zaštitu, d o n o s i

ODLUKU

o poništenju postupka javne nabavke za LOT 3 i LOT 5

Član 1.

U postupku javne nabavke rezervnih djelova sa uslugom ugradnje, popravke i održavanja službenih vozila Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, na preporuku Komisije za nabavke za potrebe Agencije u 2023. godini broj 16-12-16-7783/23 od 06.11.2023. godine, poništava se postupak javne nabavke za LOT 3 i LOT 5, iz razloga što ponude ponuđača „KLIMACENTAR d.o.o. Sarajevo” za LOT 3 i „LADA AUTO d.o.o. Banja Luka” za LOT 5 prelaze planirana odnosno osigurana novčana sredstva Agencije.

Član 2.

Ova odluka objavit će se na web stranici Agencije, istovremeno s upućivanjem ponuđačima koji su učestvovali u postupku javne nabavke.

Član 3.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-7783-1/23 od 29.09.2023. godine pokrenut je postupak javne nabavke rezervnih djelova sa uslugom ugradnje, popravke i održavanja službenih vozila Agencije, procijenjene vrijednosti 249.000,00 KM bez uračunatog PDV-a, za koji je obavještenje o javnoj nabavci broj 1161-1-212-3-57/23 objavljeno na Portalu javnih nabavki od 05.10.2023. godine i u „Službenom glasniku BiH“, broj 71/23 od 13.10.2023. godine. Novčana sredstva za realizaciju navedene nabavke obezbijedena su u okviru budžetskih sredstava za 2023. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2023. godinu („Službeni glasnik BiH“, broj 22/23) i Dokumenta okvirnog budžeta 2024. - 2026. godina. Za navedeni postupak javne

nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik). Predmet javne nabavke podijeljen je na lotove:

- LOT 1 - Nabavka rezervnih dijelova sa uslugom ugradnje, popravke i održavanja službenih vozila Agencije marke Volkswagen, Škoda, Audi i Seat, na području Sarajeva, Ilidže, Vogošće, Istočnog Novog Sarajeva i Istočne Ilidže, procijenjene vrijednosti 92.000,00 KM bez uračunatog PDV-a;

- LOT 2 - Nabavka rezervnih dijelova sa uslugom ugradnje, popravke i održavanje službenih vozila Agencije marke BMW, Ford, Citroen, Peugeot, Opel, Fiat, Volvo i Dacia, na području Sarajeva, Ilidže, Vogošće, Istočnog Novog Sarajeva i Istočne Ilidže, procijenjene vrijednosti 80.000,00 KM bez uračunatog PDV-a;

- LOT 3 - Nabavka rezervnih dijelova sa uslugom ugradnje, popravke i održavanja službenih vozila Agencije marke Ssangyong Rexton, Mazda, Mercedes, Toyota, Hyundai i KIA, na području Sarajeva, Ilidže, Vogošće, Istočnog Novog Sarajeva i Istočne Ilidže, procijenjene vrijednosti 24.000,00 KM bez uračunatog PDV-a;

- LOT 4 - Nabavka rezervnih dijelova sa uslugom ugradnje, popravke i održavanja klima uređaja na službenim vozilima Agencije, na području Sarajeva, Ilidže, Vogošće, Istočnog Novog Sarajeva i Istočne Ilidže, procijenjene vrijednosti 31.000,00 KM bez uračunatog PDV-a;

- LOT 5 - Nabavka rezervnih dijelova sa uslugom ugradnje, popravke i održavanja službenih vozila Agencije marke Volkswagen, Fiat, Opel, Citroen, Hyundai, Peugeot i Škoda, na području Banja Luke, procijenjene vrijednosti 22.000,00 KM bez uračunatog PDV-a.

Obzirom da je tačkom 24. Tenderske dokumentacije navedeno da je rok za dostavljanje ponuda 31.10.2023. godine do 12,00 sati, te da se ponude dostavljaju u zatvorenoj koverti, Komisija je dana 31.10.2023. godine u 13,00 sati izvršila javno otvaranje ponuda prema datumu i vremenu prijema, numerišući kovertu.

Blagovremeno je dostavljeno ukupno sedam ponuda i to:

R/B	Naziv ponuđača	LOT	Ponuđena cijena bez uračunatog PDV-a
1.	„LADA AUTO d.o.o. Banja Luka”	LOT 5	51.588,20 KM
2.	„AUTODELTA d.o.o. Sarajevo”	LOT 1	90.972,70 KM sa uključenim popustom od 30%
3.	„KLIMACENTAR d.o.o. Sarajevo”	LOT 2	95.592,14 KM
4.	„KLIMACENTAR d.o.o. Sarajevo”	LOT 3	54.715,29 KM
5.	„KLIMACENTAR d.o.o. Sarajevo”	LOT 4	30.784,62 KM
6.	„KLIMACENTAR d.o.o. Sarajevo”	LOT 1	131.762,19 KM
7.	„BLOK d.o.o. Sarajevo”	LOT 2	79.542,37 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14 i 59/22) (u daljem tekstu: Zakon), sačinila Zapisnik o otvaranju ponuda, koji je dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da su ponude ponuđača „KLIMACENTAR d.o.o. Sarajevo” (LOT 1, LOT 2 i LOT 3) i „LADA AUTO d.o.o. Banja Luka” (LOT 5) neprihvatljive, iz razloga što ponuđene cijene ponuda prelaze planirana odnosno osigurana novčana sredstva Agencije. Naime, uvidom u ponudu ponuđača „KLIMACENTAR d.o.o. Sarajevo” za LOT 1 utvrđeno je da ista iznosi 131.762,19 KM bez uračunatog PDV-a (procijenjena vrijednost javne nabavke za LOT 1 iznosi 92.000,00 KM bez uračunatog PDV-a), da ponuda ponuđača „KLIMACENTAR d.o.o. Sarajevo” za LOT 2 iznosi 95.592,14 KM bez uračunatog PDV-a (procijenjena vrijednost javne nabavke za LOT 2 iznosi 80.000,00 KM bez uračunatog PDV-a), da ponuda ponuđača „KLIMACENTAR d.o.o. Sarajevo” za LOT 3 iznosi 54.715,29 KM (procijenjena vrijednost javne nabavke za LOT 3 iznosi 31.000,00 KM bez uračunatog PDV-a) i da ponuda ponuđača „LADA AUTO d.o.o. Banja Luka” za LOT 5 iznosi 51.588,20 KM bez uračunatog PDV-a (procijenjena vrijednost javne nabavke za LOT 5 iznosi 22.000,00 KM bez uračunatog PDV-a). Imajući u vidu naprijed navedeno, Komisija ponude ponuđača „KLIMACENTAR d.o.o. Sarajevo” za LOT 1, LOT 2 i LOT 3 i „LADA AUTO d.o.o. Banja Luka” LOT 5, nije uzela u dalje razmatranje.

Cijeneći naprijed navedeno, prihvaćena je preporuka iz Izvještaja o radu Komisije, te odlučeno da se postupak javne nabavke za LOT 3 i LOT 5 poništi u skladu sa odredbom člana 69. stav (2) tačka e) Zakona, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 4x;
- Sektoru za mat.-fin. poslove;
- a/a.

DIRKKTOR
GLAVNI GENERALNI INSPEKTOR POLICIJE


Darko Čulum